



# ARUBAANSE COURANT

## DIARIO ARUBANO

REDACCION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E.Ch. SAMSON

DIALUNA 29 AUGUSTUS 1966

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"

# Organizacion hubenil 'Guardias Rojas' ke construi un mundu nobo na China

TOKIO -- UPI -- Un ola di terror a desenfrenar door di hubentud na Pekin cual organizacion tin respaldo oficial y ta un dje sintomanan dje mencionado "revolucion cultural" cu awor te reina na China Comunista. E manifestacionnan aetendeden tur cayanan di Pekin pa di e manera ei cu ecigencia, insistencia y violencia e hubentud bon organiza aqui trece un reforma den e sistema bieu y borquesa dje regimen actual y ademas di esei haci depuracion visivle di algun figuranan cu no ta desea den e gobierno actual.

A ser informa di dokternan, cu a ser obliga saca y atra for di nan cas pa nan bai atende pacientenan estranhero, meimei di anochi. Y pacientenan aqui mes- ter a ser transporta pa camponan caminda nan tabata obliga pa haci trabonan forza y tambe nan ta bisa cu soeurnan catolico a ser forza y contra nan boluntad di haci trabonan fisica y humillante. Residentenan burgues a ricibi un plazo di 12 ora pa nan hui for di e capital ei.

E informacionnan di varios corantnan simanal y dje representante diplomatico di mundu libre, di corresponsal di un cadena japones di radio di fusion y hasta dje periodo oficial comunista "Diario del Pueblo" ademas dje organo sovietico "Prawda" ta munstra cu ta parece como si fuera ta tur diabelnan di fierno a los na China Comunista.

Segun e diplomatico aqui, quen-

reaccionario" y "cacho di clase- nan burguesa.

E corant "Diario di Pueblo" a bisa cu e movimiento hubenil aqui a extende for di Pekin te na sur, te na Mongolia interior y provincia di Shikiang, na norte, hus- tu den frontera cu Union Sovieti- ca.

E diplomatico a revela n° e mes ocasion cu e principal iglesia ca- tolica dje ciudad a ser converti den un scol secundaria, despues cu "Guardia Roja" a podera dje edificio, destruyendo e imagen nan religioso.

Colegio di Sagrado Curazon a tende desde 60 anja pa soeurnan frances a ser ocupa pa e terro- ristanan pa ensenja ideanan reac- cionista y detalladamente e diplo- matico a describi e humiliacion- nan fisica na cual e souernan a ser sometí.

Entretanto na Moscu "Prawda" a bisa cu casonan masha stranjito ta pasando awendia na Pekin y a revela cu "guardia Roja" a em- prende entre otro e siguiente ta- reanan:

-- Clausura e galerianan di arte y reemplaza cu obranan di Mao Tse Tung e literatura politica of i fision existente den libreria- nan.

-- Prohicion como caracteris- ticonan di "Feudalismo Burgues" e disconan di Tschaiovsky, Bach, Mozart, Chopin y Beethoven, asina tambe manera e wegá di schaak.



PHU LOI, Vietnam del Sur, -- Un dokter herida na su man ta continua cu su tarea di yuda esnan cu ta mas herida durante di e bringamentu na Vietnam contra Vietcong. E batalla durante di cual nan a ser herida a tuma lugar na mas o menos 30 milla noord di Saigon. (Radiophoto UPI).

## TRES VICTIMA DI ACCIDENTE AEREO A FALLECE DEN HOSPITAL


ORANJESTAD, E desastre cu e a- vion di marine Luchtvaart Dienst diabierna mainta na Simeon An- tonio, a existi e di tres morto. E luitenant di 31 anja, J. Mantel (e di dos piloto di e avion) a muri diasabra marduga den San Pedro Hospital debi na e heridanan cu el a sufrí.

Huntu cu su esposa e taba- ta biba na Corsow. E otro dos tri- pulantnan cu a muri, ta luitenant E. Ympa (kende tabata maneha e avion y kende huntú cu su esposa y dos yiu tambe tabata biba na Cor- sow) y e matroos eerste klas G. Folkerst (e bordo di e bapor di guerra "De Bitter"), kende taba-

ta regresa di vacacion for di Aru- ba pa Corsow; su esposa ta biba na den Helder. Den hospital tin ainda e matroos eerste klas K. Kuyck (di e bapor di guerra "de Bitter"). E matroos aki ta herida, pero su bida no ta na peliger.

E restonan mortal lo worde transporta pa Hulanda. E familia di e matroos herida lo ayega A- ruba diasabra anochi. Famillanan di esnan cu a muri a ser poni na haltura. Dia 31 di agostoe resto- nan mortal lo ser transporta pa Hulanda.

Den circulo di marina a ser informa cu e investigacion ta tumando su curso y cu te ainda e causa no ta conoci.



CAPE KENNEDY, Fla. -- E rocket Titan 3-C aki a caba di ser lanza impulsando e cohete Apollo, esun mas costoso di Merca, cu a explota 80 seconde despues. (Radiophoto UPI).

# AUTORIZACIONNAN EXTRAORDINARIO DI CONGRESO NA CARLOS RESTREPO

BOGOTA --UPI -- Afin di complementa su plataforma legislativa, President Carlos Lleras Restrepo a solicita di congreso autorizacionnan extraordinario cu ta permiti hiba dilanti un programa di transformacion nacional, cu ta encerra den dje vigorizacion di economia dje pais, elevacion di nivel di bida di pueblo Colombiano y mehoramiento di su condicion social.

E facultadnan solicita pa e ejecutivo cu lo ta valido te dia 20 di Juli 1967, ta detalla den un proyecto di ley cu e ministro di gobierno Misael Pastrana a hiba na Parlamento.

Primordialmente e gobierno ta busca esey mediante e siguiente autorizacionnan aki :

- Reduci gastunan di administracion publico.
- Un miho coordinacion denter dje diferente servicicionan vincula cu e administracion, pa suma-jor eficacia.
- Simplifica estructura dje administracion nacional, completa e organismonan, dependencianan

- y servicicionan cualnan su funcionnan ta conviniente pa unifica;
- Articula debidamente e funcionnan den materia di planeacion mester cumpli cu e diferente organismonan dje administracion;
- Crea sistemanan di coordinacion dje tarea di institucionan y demas organismonan descentra-

liza cu e ministerionan y departamentunan administrativa y di vigilancia y control y -- kita e estado sitio, implanta na Mei di anja pasa denter e territorio nacional.

Pa por eleva e estado sitio, gobierno ta propone den e mencionado proyecto cu ta expresa e normanan necesaria adopta, modifica o deroga e decretonan legislativo, dicta desde 21 di Mei di 1965 te dia 7 di agosto di 1966.

E condicion previa aki ta indispensable, ya cu de lo contrario unavez cu e estado sitio a ser elimina lo queda sin efecto e plataforma economica dopta pa e anterior gobierno a base di decretonan legislativo.

Simultaneamente cu e solicitud di facultadnan extraordinaria, e ejecutivo a presenta un proyecto di reforma constitucional pa modifica e sistema di votacion dje dos tercera parte cu ta rigi den e parlamento, afin di cu por legisla pa majoria absoluta durante e proximo dos anjanan.

Den su exposicion di motibunan

referente na e proyecto, e gobierno no ta bisa cu e grave problema social, economico, fiscal y administrativo dje pais, cu ta exige solucionnan inaplazable, no ta permiti cu e proyectonan di ley ta somete na contractnan y condicionnan excesiva cu por stroba e rapido accion dje congreso.

Debi cu e gobierno no tabatin durante e ultimo anjanan, ni awor tampoco den parlamento e majoria di dos tercera parte, e sistema aki a bin stroba e labor gubernamental, especialmente den e campo economico y esaki tabata un dje motibunan pa e decreta e estado sitio afin cu e por a legisla pa medio di decreto.

E materialnan pa cualnan e gobierno ta propone cu e ta legisla of manda, pa e simple majoria ta lo siguiente :

- Kestionnan laboral y seguridad social;
- Aumento di vivienda popular;
- Extension, organizacion y coordinacion di e servicicionan di salud, hygien y medicina preventiva; proteccion infantil, sistema hospitalario, asistencia y beneficencia publica;
- Aumento di empleo y capacidad di obra di man;

--Cooperativanan y accion comunal;

--Reformanan na leyman agraria actual.

--Filiacion di planman y programan na cual mester ser someti e desarrollo di economia nacional y di obranan publica cu tin di cuminsa of continua;

--Nacionalizacion di produccion, distribucion y consumo;

--Conseccion di autorizacion na gobierno pa cerra contractnan, negosha imprestitunan, conserva biennan nacional y eherce otro funcionnan denter di e orbita constitucional;

--Kestionnan tributaria, fiscal, cambaria- y monetarianan, incluso e expedicion dje presupuesto y aprobacion di credionan extraordinario y suplementario;

--Aumento di turismo;

--Asuntunan educativa;

--Organizacion di administracion di husticia, ministerio publico y administracion publico nacional;

--Expedicion di codigonan den tur ramo di legislacion y reforma su disposicionnan;

--Otorgamiento di facultadnan extraordinaria y eleccionnan di congreso y cada un dje comisionan constitucional mester ser tenne permanentemente.

## Na Sto Domingo tin preparacionnan contra amenaza di orcan Faith

SANTO DOMINGO --UPI -- Republica Dominicana, principalmente na zona norte a ser azota pa bientunan fuerte causa pa e cyclon Faith y autoridadnan a cuminsa tuma medidanan pa enfrenta cu kuerpo situacion di emergencia cu por presenta si e tormenta pasa riba e isla aki.

Cruz Roja, defensa civil y fuerzan arma a cuminsa moviliza ora cu e servicio meteorologico

nacional a anuncia cu e pais ta porre peligro.

E comercionan y e casnan di familia a cuminsa na tuma precaucionnan y nan ta nota basta intranquilidad den e capital caminda ya caba algun actividad a ser suspendi.

E vuelonan a ser suspendi y a prohibi embarcacionnan di salida laman afo.

## Cohete Apollo a explota

CAPE KENNEDY, --UPI -- E expertonan ta studiando e señalnan di radio qu a ser manda terra pe cohete Titan-3 pa determina e motibu pa cual e nanishi a spat na pida pida 75 seconde despues di su lanzamiento for di Cape Kennedy.

E perdida repentino di e nanishi mientras cu e poderoso cohete di tres etapa tabata bai den laira a pone cu e cohete a spat cai den Atlantico despues di un tremendo explosion.

E supertitan tabatin ocho satelite militar di comunicacion y su perdida ta un derrota di considerable importancia pa Departamentu di defensa, qu kier a duplica e ultimo ocho sateloidenan di e red di stacionnan di retransmission qu tin den orbita.

Nan a construi ocho otro satelite di 50 kilo cada uno y autoridadnan ta bisa cu si ta necesario lo por ser lanza den espacio den un plazo di dos luna.



Na Aruba tambe, e judoka Dominicano/Chines LING SUNG, a resulta e favorito indiscutible di e fanaticada. Den su combate contra e campeon Spanjo y campeon mundial junior, Calvo Bielsa, Ling Sung a noquea e Spanjo cu su famos golpinan di karate japonés. Aki riba por mira Ling Sung cu su cinturón di campeon Centro Americano di lucha.

## Bo ke gana



## den un luna di tempu?

TUR LOKE BO MESTER HACI TA CAMBIA DI E SIGARIA AMERICANO CU BO TA HUMA AWOR PA



## ATA E PRUEBA:

UN PAKI DI CARAVANA TA COSTA FLS. 0.45

UN PERSONA CU TA HUMA UN PAKI PA DIA TA GASTA PA LUNA FLS. 13.50

UN PAKI DI SIGARIA AMERICANO TA COSTA FLS. 0.70

UN PERSONA CU TA HUMA UN PAKI PA DIA TA GASTA PA LUNA FLS. 21.--

E FLS. 7.50 cu bo ta paga di mas, bo no ta pagando pa mihor calidad, ya cu esaki ta derecho di importacion cu e sigaria ta paga extra.

Cu otro palabra bo ta regalando gobierno FLS. 7.50 tur luna.

Hasi cos di sabi, cambia awor pa

**CARAVANA, e mihor sigaria traha na Antillas**





## LUCHA LIBRE A EMOCIONA MILES

(Di Nos Redactor Deportivo)

E programa di lucha libre presenta dia Vierende anochi den Wilhelmstadion door di e promotor curazolenjo Angel Job a atrae un publico di algun mil hende.

Pa gran mayoria di esakinan e luchadornan presenta ya tabata cara conoci, mientras cu otro nan a acudi mas bien pa constata ta kiko ta loke ta causa tanto comentario.

Esakinan formando un grupo chikito ta esunnan cu a sali de cepcion di e programa ya cunan a constata claramente cu combaten no ta di verdad y cu e luchadornan no ta subi ring cu e idea di bati otro.

Pero e gran mayoria si a gosa y te hasta despues di un principio dudoso, a keda convenci cu nan pantaya di televisor no ta ganja nan.

Di cerca nos a presencia e cinco combaten y loke nos a mira a confirma cu door di e luchadornan no ta wordu haci verdaderamente esfuerso pa golpea otro ni pa impone forza di un ariba e otro. Sin duda algun tin varios golpi cu ta cai basta duro, pero practicamente tur ta manera algun fanatico tabata grita "Fake".

E luchadornan tabata laga pasa cu nan ta haciendo hopi esfuerso, e otro ta laga pasa cu e ta sintiendo dolor. Otro biaha un taba-

ci manera cu e ta birando mande e otro, pero e realidad no ta haci esaki cu forza normal, pero si cu su control pa no haci su adversario danjo.

Mester wordu admira sinembargo e condicion atletico cu e hombernan aki tin y tambe nan capacidad pa emociona e publico sin en realidad ta tratando di haci otro danjo algun manera ta sosode den boxeo.

E dominicano Baron Oliva a enfrenta e venezolano Guasimodo "El Jorobado" den e promer combate di e anochi.

Esaki ta e combate cu menos a wordu gusta door di e publico ya cu e dosnan aki tabata esunnan cu menos a logra convence cu nan ta na serio. Al contrario, gritonan di "Stop di ganja" tabata resona cu frecuencia. Den e tercer rond tur dos ta cai for di den ring, y ta cuminsa lucha ariba santo dilanti di e publico.

Un polis mester corre lamtalaga e stul, loke Guasimodo a provecha pa coge e stul y dal Baron Oliva cu e stul den cabes. Despues el a entrega e stul na e polis, kende no kier a duna esaki na Baron Oliva cu kier a tuma revancha.

E combate a caba den favor di Guasimodo, pero Baron Oliva tabata e favorito di e fanaticonan cu a duna mas aplaus.

Algo di e accionnan riba y pafor di ring durante e programa di Lucha Libre, diabierna anochi den Wilhelmstadion. E persona cu carson largo riba ring, ta un di e referee cu aki ta ser castiga pa eluchador Libanes, Sheik Yussef, kende tabata di opinion cu e referee tabata partidario di Dragon Chino.

Vampiro Negro y Gran Mujica (dos venezolano) a enfrenta otro den e segundo combate. Den e tercer rond e pelea ta caba ora cu Mujica ta wordu tira for di ring. Ora cu e ta trata di subi Vampiro ta garr'e y hib'e dal su cabes contra di e tubo na skina di e ring cu ta wanta e wayanan di e lusnan.

E golpi a habri un herida ariba wowo robes di Mujica for di cual sanger a cuminsa ta corre. Na favor di Vampiro e pelea a caba un rato despues ora cu e ta logra tene Mujica su lomba abao. Mas tecnica por a wordu gosa den e pelea entre Volante Bill y Charles Romero. (Filipino).

E dosna n aki pa nan rapidos y astucia a sabi di ricibi aplauso varios biaha di e publico. Sin aplika tactica sushi y golpinan prohibi Volante Bill y Romero a duna un bunita demostracion cu finalmente a caba den favor di Bill ora cu el a pin Romero pa e conteo di tres den e segundo rond. Ambos luchador a ricibi hopi aplaus.

### FANATICO DEN ACCION.

Contrario na loke e dosnan anterior, Dragon Chino den su combate contra di Sheik Yussef a aplika tur tactica sushi cu por tin.

Es decir e tabata hisa pia pa skop Yussef, pero no cu esaki tabata ser realmente afecta pa e skopnan. Sinembargo rapidamente e Dragon Chino, cu a subi ring acompaña pa e Dragona, a haci su mes sumamente impopular cerca e fanaticonan. Entre e promer y segundo rond un fanatico sinta cerca di e skina di Dragon Chino a dicidi di tuma medida ora cu e gritonan pa avisa e Sheik cu e Dragon tabata tin un beker cu awa den su man, no tabata yuda.

E referi cu a bai controla kiko Dragon tin den su man no a mira e beker, ya cu Dragon a pas'e pa e Dragona para sutras. E fanatico a acerca e ring y ranka e beker for di man di e Dragona. E second di Dragon a bai ariba e fanatico, pero a wordu calma cu e awa cu e fanatico e ora a manda den su cara.

Mesora polis a drenta den accion pa pone un fin na e incidente. Esaki ta un prueba di e forma den cual e publico ta wordu emocionacion cu e combaten.

Ganador di e pelea a worde celebra Dragon Chino, loke tabata di todo menos na smaak di e publico. Yussef a keda tira abao y despues di largo rato a lamta para ta busca atencion di e publico, cu tabata pidi pa e dal e referi.

Yussef no a tarda pa complacere esakinan y a cuminsa ta castiga e referi te mand'e door di e cabuyanan pafor di ring.

Ultimo combate tabata entre e chikito Ling Sung, cu a subi ring den su panja di judo, y e spanjo Calvo Bielsa. Un gran show e referi pa e combate a duna promer cu e pelea a cuminsa mes caba ora cu e no kier a permiti pa Ling Sung haci uso di su chopnan, mientras cu e publico si tabata kier.

Finalmente el a accede y pa complacere e publico el a haci hopi uso di e sla aki cu su man.

Pa via rapida den e segundo rond e combate a caba na favor di Ling Sung, cu sin duda algun tabata un di e ganadornan di mas popular di e anochi.



## BERT VIAPREE OFICIAL DI ANJA NA LSP

(Di Nos Redactor Deportivo)  
E fiesta anual cu Lago Sport Park ta ofrece e personanan cu den e anja pasa a coopera cu e directiva den un forma of otro a wordu teni diasabra den e barbecue pit di Aruba Caribbean Hotel. Den nomber di directiva di Lago Sport Park e huespednan tabata ser obsekia na nan yegada cu dos ciga.

Mateo Reyes president di Lago Sport Park a tene un discurso den cual el a yama tur e presentenan un bonbini y a expresa mesora gratitud na esunnan cu den e ultimo anja a duna cooperacion na e directiva pa por cumpli cu su debernan.

Den corto e president di Lago Sport Park a memora eventonan sobresaliente cu den curso di anjanan a yega di wordu presenta den Lago Sport Park.

Formando fila e presentenan, entree cualnan tabata tin srta. Mercedes Oduber, Reina di Deporte, y tambe e rumannan muher Martinus cu a tene score di weganen di baseball, y softball a laga e kokkinan di hotel yena nan tayo pa luego gosa di un abundante cuminda.

Pa musica a percura e orkesta di Jorge Fasola y e conocido cantante Napoleon Reed y despues tambe e combo di Julio Torres.

Diferente di e invitadonan a demostra nan talanto cantando un cancion, pero e show a wordu horta door di e conocido umpire Luta Pantophlet kende a toca e drum den gran forma.

Cuater di e invitadonan a worde haci felis ora cu nan a gana e prijsnan cu tabata un radio transistor. Ya casi na final di e fiesta e president di Lago Sport Park a

bolbe haci uso di palabra pa anunciar ta cual ta e oficial cu e anja aki e directiva a dicidi di distingui. E honor a bai e biaha aki pa Bert Viapree, kende segun president Reyes durante 26 anja, a sabi di duna su cooperacion pa realisa hopi inventonan di atletismo y ciclismo.

Despues di ricibi su plaquette Viapree a gradici pa e distincion y a expresa di no a haci nada otro cu contribui cu un parti chikito na loke segun e ta bon pa e comunidad.

Finalmente Mateo Reyes a gradici tur e presentenan pa a acudi na e invitacion. Di parti di e Relacion Publicas di Lago tabata tin presente Edy Muller, Seferino Luijdens y Ruben de Lange.



Materialnan di construccion di calidad y na prijs atractivo esey ta solamente na:

**Petrona & Croes**  
(ARUBA N.V.)





**ADDIS ABEBA--UPI--** El presidente de Francia, Charles de Gaulle, a ayega Addis Abeba awe den e segundo etapa di su viaje rond di murdu. Emperador Halle Selassie y un publico di 30 mil persona tabata spera na aeropuerto ora cu e avion di e mandatario frances a baha despues di un vuelo corto di Jibuti, Somalia Frances. Bistiendo e uniform di general di ehercito frances. De Gaulle a baha for

die avion y a bai cuminda Selassie, mientras qu nan a tira 21 tiru como saludo. De Gaulle lo pasa tres dia na Etiopia. Nantake cu e combersacion di De Gaulle cu Selassie lo ta riba Somalia Frances cual su 81 mil habitantenan a vota pa gran mayoria na 1958 pa keda bao di dominio frances.

Gran parti di e exportacionnan di Etiopia ta bai pe mercadonan mundial pa medio di un trein.

Especialmente riba e fanaticada femenina e programa di Lucha Libre diabierna anochi den Wilhelmstadion a haci impresion tremendo. Nobenta porciento di e bochincha den Stadion a worde causa pa e damanan di edad entre 12 pa 70 anja. E fotonan aki ta duna un bista con e publico tabata reacciona riba e diferente accionnan riba ring, segun nan favorito tabata bai ganando o perdiendo. Polis mester a interveni na varios ocasion.

Abau na robez, algun dama a dicide na bisa Dragon Chino y e Dragona nan berdad.

## RECHERCHE TA SIGI DETENE PERSONANAN CU A COMETE ROBO

ORANJESTAD, Recherche di Aruba ta sigi detene personanan cu a haci nan mes culpable na un of otro delito. Durante diabierne recherche di San Nicolas a logra pone man riba e homber cu dos siman pasa a kibra drenta den postkantoor na San Nicolas. Na e ocasion ey e homber a habri un cantidad di envelop y paketenan. El a worde sera inmediatamente. Mientras cu na San Nicolas e robo aki a worde solucioná, na Oranjestad tambe e cuerpo di recherche tabatin exito. E biaha aki e tipo di 25 anja cu na luna di juli a drenta den Aruba Gas Supply y a saca e caha di placa for di negoshi, a worde deteni y sera.

E dos tiponan aki pronto lo tin cu duna cuenta dilanti hues.

MOSCU --UPI-- Union Sovietica a lanza un otro satelite no-tripula di e serie cosmos. E ta e number 128 di su clase.

## 74 A SLAAG NA CURSUS "SUCCES"

ORANJESTAD--Di parti di e Inspecteur di Enseñanza a ser informa cu e siguiente candidatonan di "Cursus Succes" a slaag pa e examen di type:

Lorenzo Orman, Bernadette Mendez, Sonja Pinas, Eva Sneek, Filomena Diaz, Betty Chang, Kathleen Ferrier, Osana Boekhoudt, Josefina Chang, Angela Paesch, Mariselia Luidens, Irena Giron, Lia Storm, Titia Burke, Jeanette Bahling, Nelda Maduro, Franklin Matros, Ronald Thijzen, Johanita Wolff, Gerard Lejuez, Fabia Koolman, Arcangel Thijzen, Vincenta Cangieter, Susana Maduro, Luisa Boekhoudt, Gabriel Werleman, Tecla Vrolijk Ina Croeze, Sonia Oduber, Fabiano Maduro, Therodoor Kelly, Frida Maduro, Felician Dirks,

Candida Solognier, Maria Dijkhoff, Ana Maria Werleman, Walter Frans, Madeline Arends, Maria Cristina Croes, Frenklin de Mey, Harold Rose, Minguel Koolman, Filomena Tromp, Aura Henriquez, Teolindo Croes.

Juan Lacle, Luis Bruges, Nelly Cruz, Hetty Green, Rosalia Kelly, Anna Ras, Martina Ras, Maria Wernet, Rudolf Geerman, Jozef Danje, Ovaldina Dania, Angela Geerman, Rina Croeze, Jose Giel, Intji Martinus, Jolanda Philips, Gale Hope, Jose de Cuba Rosalind Arends, Therese Pantophlet, Elvira Heyliger, Mario Lopez, Rosaria Halley, Mercedes Briezen, Adela Briezen, Leonora Gibbs, Gracita Jagershoek, Elfrida Bute.

## Guerra na Vietnam ta continuando

SAIGON --UPI-- Avionnan norteamericano a lanza un cantidad di 156 mision di bombardeo contra Vietnam del Norte, segun un vocero militar norteamericano.

Pilotonan di forsa aerea, marina y infanteria a desembarca y concentra nan mes den un atake den e region zuid y a alcanza depositonan petrolero y otro objetivonan militar, asina e portavoz a agrega. Ningun aparato norteamericano a perde.

E vocero a bisa cu mal tempua impedi cu nan por a bombardea otro objetivonan. A pesar di tiramentu "ligero" di e baterianan antiaerea enemigu e pilotonan a informa:

-- qu 17 deposito di petroli a ser aleanza. Nan no por a informa acerca e danjonan debilita huma y obscuridad qu tabata reina ri-



For di dia 24 di augustus Lago a cuminsa cu trabaonan di reparacion den e stadion pa despues por hasi e entrega oficial cu e stadion den perfecta condicion. Un suma di mas di sesenta mil florin lo wordu inverti awor pa pone e stadion den bon estado. Caminda ta waya ta cerra e stadion, esakinan lo wordu cambia pa muraya di blokki loke ta exigí menos mantencion y tambe lo pone fin parcial na e paramento pafor di waya welta weganan manera ta sosode te ainda. Aparentemente di parti di Marine tin interes pa yuda A.S.U. financieramente cu Lago Sport Park, mientras cu tambe tin papia di cu te hasta hopi trabao di mantencion lo por wordu hasi door di e marinieran. Lago lo sigi definitivamente duna apoyo pa stimula deporte na Aruba y e entrega di Lago Sport Park na A.S.U. no ta nifica ningun momento cu Lago ta bira lomba pa deporte.

## EMPATE ENTRE BUBALI Y R.C.A.

(Di nos redactor deportivo).

Na cero gol, e oncenanan di Bubali y R.C.A. a empata diasabra nochi den Wilhelmstadion den otro wega di e campeonato di futbol hoofdklasse. Den loke a wordu presenta te ainda, esaki tabata e mihor wega di e campeonato. Ambos equipo a hasi verdadero esfuerço pa logra e gol cu por a nifica e victoria pero sin exito.

Interesante futbol a wordu demostrado door di nan na diferente ocasion. Bubali tabata tin avance nan peligroso cu a percura pa emocion e numeroso publico, pero e defensa di R.C.A. contando cu reaparicion di Angel Krozendijk como back central tabata fuerte.

Un di e mihor shotnan di e anochi tabata di e midvoor Cheppy Ras di R.C.A. den e segundo mitar, cu a wordu bon agarra pa e portero Frans Giel di Bubali.

Cu e empate Bubali tin awor record di un gana y un empata den dos salida. Den dos wega te ainda R.C.A. no a logra un gol.

## CONFERENCIA ENTRE ASU Y LAGO


(Di nos redactor deportivo).

Tocante e entrega di Lago Sport Park na Aruba Sport Unie, lo wordu teni durante diarason awor un reunion entre representantenan di Lago y di ASU.

Manera ta conoci Lago ta desea di pasa e stadion di mas grandi y mihor equipa di Antiyas Hulandes pa A.S.U., pero prome cu hasi esaki lo mester tin hopi conferencia pa regla tur e asuntonan aki. Ta wordu spera cu e conferencia di diarason awor lo ta e inicio di e pasonan definitivo pa entrega e stadion.

SOLAMENTE UN HUMA  
DI E EXQUISITO SIGA-  
RIA "CARAVANA" LO  
CONVENCEBO CU NO  
TIN MIHOR. CUMPRÁ  
BO PAKI AWE MES.


Tabaco  
Turco-  
Americano



Sabor  
Inigualable



REALMENTE  
BON!



Un producto Antillano  
mihor cu tur cu ta'tin promer  
**CARAVANA** ta  
Calidad Inigualable!



## N.V. ELECTRICITEIT- MAATSCHAPPIJ "ARUBA"

Gevestigd te Oranjestad-Aruba (N.A.)

De directie deelt hierbij mede, dat de algemene vergadering van aandeelhouders van 26 augustus j.l. heeft besloten het dividend over het boekjaar 1965 op de aandelen B vast te stellen op 9 procent.

In verband hiermede zal vanaf 31 augustus 1966 dividendbewijs no. 3 worden betaalbaar gesteld met Naf. 9.-- bij de onderstaande banken:

Aruba Commercial Bank, te Oranjestad (Aruba)  
Caribbean Mercantile Bank N.V., te Oranjestad (Aruba).

Hollandsche Bank Unie N.V., te Oranjestad (Aruba),

Willemstad (Curacao), Amsterdam, Rotterdam en 's Gravenhage

N.V. Edwards, Henriquez & Co's Bank te Willemstad (Curacao)

Maduro & Curiel's Bank N.V. te Willemstad (Curacao)

Algemene Bank Nederland N.V., te Amsterdam, Rotterdam en 's Gravenhage.

De directie.

Oranjestad, 29 augustus 1966

## DIVIDENDO DI COMPANIA "ELMAR" TA 9 PORCIENTO

ORANJESTAD. Durante reunion anual di accionistanan di e compania di electricidad "Elmar", tene diabierna mainta, dividendo pa anja 1965 a ser stipula na 9 porciento. E presidente di e cuerpo di comisionan di e compania a informa cu e introduccion di e siman di cinco dia di trabau entre otro tabata posibel door cu cantidad di oranan di trabau pa siman door di e paso aki casi of henteramente no a bira menos.

Anteriormente e cantidad di oranan di trabau pa siman na Elmar tabata 45 ora pa e personal di e servicicionan tecnico y di etalleran. Awor e cantidad di oranan ta 42 1/2 ora pa siman. Pa e personal di oficina e cifranan aki ta: anteriormente 39 ora pa siman, awor 40 ora pa siman.

E entradanan di explotacion durante anja 1965, door di e rebaho riba prijs di coriente cu a cuminsa dia 1 juni 1965, a baha segun calculacion te na 400.000 mil florin.

## Sugar Boy Nando contra Folledo

ORANJESTAD. For di España nos a ricibi informacion cu dia 2 di september proximo, e campeon peso medio di Aruba, Antillas y Centro America, e idolo Sugar Boy Nando, lo enfrente a campeon di España Luis Folledo.

Esaki lo ta un pelea di revancha pa Folledo, ya cu na luna di juni ultimo, den un promer pelea, Nando a noquea aspanjo den seis rond, despues cu ya el a manda a Spanjo lona pa los biaha. Referee mester a para e pelea pa evita cu e Spanjo lo ricibi un castigo mas severo.

BALASHI. Departamento di trafico na Balashi a hanja un weekend hopi bonkili e biaha aki. Ayera tardi un motor y mei un auto di famia a bati riba e caminda di Seroe Pina lagando un danjo material di 300,- atras. Chauffeur di e motor mester a ser transporta pa hospital, debi na cu e auto a slip riba santo despues di cual e chauffeur a perda control riba stuur.

rin Antiyano. E expectacion cu e eventadielectricidad durante 1966 lo duna resultadonan favorable, ta worde apoya doordie e cifranan di e prome seis lunanan di anja 1966.

Finalmente e presidente a informa cu door di un operacion eficiente di e empresa, no obstante e gastonan di explotacion cu a subi y tinando cuenta cu circunstancianan imprevisto, e resultado pa anja 1966 ta ser anticipa yen di confianza.

Bo koffie te ainda ta un di mas mejor nan cu ma bebe, Kaizer, asina Helena tabata tene Kaizer contento pe pasa bon cerca dje.

No pero mi sabi con mi trahele pa bo, pesey e ta smaak bon. Pero mi tin otro cos di papia cu bo, Kaizer, a bisa.

Kiko a pasa, Helena a puntra, cu hopi interes, bebiendo su koffie.

Esey nos no por papia den dos palabra. Ta bay di Claudia. E wowonan di Kaizer a cuminsa ta brilha y su stem a bira vrendelijk.

Helena no a sinti mucho bon. Bo ta contento cu e ta bini cas, no. Mi Dios, ta e alegria di mas grandi pa mi. Ma perde toer speranza caba. Pa mi ya caba e tabata morto. Mi tin berguenza awor si e por hanja sabi loke mi tabata pensa di dje.

No pero Claudia lo perdona bo, Claudia ta un angel, Helena a bisa.

Si e ta un angel, Bo tin razon, lo e perdona mi si e tende e cos di loco cu ma bisa. Aki un paar di luna e ta na cas atrobe senyor a bisa.

Podiser nos no mester verwacht mucho, Kaizer, Helena a bisa pa kita e entusiasmo di Kaizer.

E ta bini, esey ta segur, pe-



SIoux FALLAS, E concepcion artistica aki ta muestra con un piloto di un aparato qu ser tumba lo por ser salba na Vietnam cu un devisa cu a ser trese pa Raven industrias. Despues di salta for di su aparato (te na robes), e piloto ta habri un blaas (den centro). E blaas grandi ta ser recoge pa un helikopter (na drechil) y e piloto por ser salba facilmente (RADIOPHOTO UPI).

## Sobrevivientenan di Varto ke hui bai

VARTO --UPI -- Un grupo di expertonan cu orden pa desestima tur tramitacion democratica a yega awor na e ciudad destrui cu proposito di organiza ayuda na e sobrevivientenan dje terremoto cu a causa morto di 2,445 persona den e parti oriental di Turquia.

E expertonan tin amplia facultadnan incluyendo esun di reasentana e damnificacion den otro zonanan dje pais. Pero nan mester actua cu nasha rapidez, pasobra den curso dje proximo 50 dianan, invierno lo azota a aldeanan ya destrui cu su fraldad intenso y capanan altu di nieve.

Masha hopi dje aldeanan ta den e mes un condicion cu Varto: cu su casnan aplasta pa e orcan, aisla y cu camindanan bloquea y sin comunicacionnan.

Miles di lugarenonan ta drumi den aire libre of den tentnan instalaa pa organizacion internacional of pa otro nacionnan.

Como ya e labornan di auxilio ta organiza y como cu ya a ser

poni na marcha e campanja global pa alega amenaza di colera e gobiernu ta concentra su atencion den futuro dje aldeanan.

Prome ministro Soleyman Demirel a duna orden na tur funcionarianan administrativo y autoridanan dje pais pa cu nan drecha e caminda pa e expertonan cu ta studia e problema di reconstruccion. E proyecto di reasentamiento cu mucho sobrevivientenan tabata prefera, ta un di esnan cu ta considera cu prioridad pa e gobiernu, segun un vocero oficial.

Varios habitante dje localidad aki a manifesta e deseo di bandonar e zona, conoci desde hopi tempu como "centro simico" di Turquia, pero majoria a resigna na permanece aki y si gobiernu no yuda nan pa cambia di residencia.

Nos a perde tur cos. No tin mas motibu pakiko lo nos queda aki, asina un damnificado a bisa. Ta cumpli net un anja cu gobiernu Turco a construi hopi

casnan sismico y otro edificionan na Varto, pero tur esaki a ser destrui cu e terremoto di diavienes.

Tercer ejercito di Turquia, a contona na noreste di e pais, a ofrece na reconstrui Varto den curso di dos luna, si gobiernu pone na su disposicion e materialnan necesario.

Mientras tantu ta sigui drenta noticianan no confirma riba ma victimas dje sismo, pero e funcionarianan responsable ta rete ne e dato oficial riba e cifra di mortonan y heridonan.

Extraoficialmente nan a manifesta cu e fallecidonan a consecuencia dje terremoto a yega te 2,589.

Como medida preventiva nan procedena e vacunacion dje poblacion contra e peligro di colera y e gobiernu a declara e medida ta sigui vigente te ora cu enter poblacion a ser inmuniza.

# E viaje di Beatrix

sey mi tin cu papia cu bo, Helena.

Bo mester bay for di aki ora e bini, y Kaizer a buk waak Helena duro den su cara.

Bo ta meen es cos ey, Kaizer, Tempo cu bo no tabata segur cu Claudia ta bolbe, bo tabata eens pa mi bira donjo di Landini.

E senjora bieeuw a bloos y a morde su lip. No comete un error, Helena, Claudia ta bibo y e ta donjo di Landini. Helena tabata irrita: Lo mi pensa ariba, pasobra si bo pensa cu mi no tin un cas riba e mundo aki, anto ta cruel loke bo ta pidi mi.

Pero antes tampoco bo tabata bini aki. Kiko bo kier anto ora cu Claudia bini back?

Helena a hari y no a contesta e mujer bieeuw. E sabi cu Kaizer tabata stima Claudia mas cu ningun hende y tambe cu Kaizer tabata conoce su faltanan mas cu nada.

Lo bo bay, e senjora a bisa. Bo sabi cu semper bo por conta riba mi. Tampoco Alberto tabata nunca meskinja pa doña centora bo mester.

Pero bo no mester para den caminda di Claudia.

Helena a sera su man na un moketa.

Claudia, semper Claudia, si e ta bon, e ta un angel, e mejor cu

ta existi, Pero mi no kier ta bon asina. Ami ta manera mi ta.

No exita, asina tanto, Bo sabi cu mi stima, boso toer mes tanto. Cu toer esey bo kier sabi cu bo mester protega Claudia mas cu mi. No ta berde.

Boso cada uno ta deferente di karakter. Cada uno mester sabi su lugar den bida. Y bo lugar te poco ma kere cu tabata aki pero ma cambia di opinion. Ta pesey mi mester manda bo bay.

Helena a coge e kopie di koffie bebe loke a sobra y sin bisa nada a sali bay.

Senjora Kaizer a hala rosea y a sigi cu e panja cu e tabata cose. El a dicidi di hasi su best pa Helena bay for di aki. Pero despues di un rato el a pone es trabao abao, lamta para, pasa man den su cabey y a sali for di su cuarto. El a yega dilanti di e cuarto di senyor Landini y a bati porta.

Oh, senjora Kaizer cu kiko mi por a yuda bo? Landini a bisa. Un conversacion cu senjora Kaizer segur lo ta bon, pasobra su cabes tabata bruha y ni weta e tabata weta es papelnan sudilanti. No nada particular, senyor Landini, mientras tanto Kaizer a keda para banda di porta manera un cria cu tin miedo di su shon. E kokkie kier a tuma vacante.

No ta cay mucho bon, pero mama ta malu.

Ta strango cu net e ora nan e nan ta hanja nan malu, pero no no por hasi nada, mester lar gele bay.

Natural e mester bay cu vacante, pero ta strango cu bo ta puntra mi es cosnan ey Kaizer nunca b a puntra mi nan.

No, pero ma kere como cu b ta na cas, y e por a bay mej ora cu bo no tey.

Si senjora bini cas lo ta pe Bo tin razon, regla tur cos pe numa. Bo ta ansioso pa senj bini back? Sinta un ratu senj Kaizer.

E mujer bieeuw a cai sinta ri rand di e stoel y a bisa: Mi ta mashar contento cu Claudia ta birando bon, senyor Landini.

Mi tin berguenza cu poco tem hasta mi tabata duda cu Claudia bira bon, pero danki Dios e recuperando awor. Kaizer sust tabata suave manera semper o cu e ta papia cu Claudia. Bo tin razon a dura mashar ho tempu promer cu nos por a ha ja poco speranza. Lo mi ta masha contento dia e jega cas atrobe, lo ta mes cu e dia cu ela dreña aki den bisti di bruid. Ta mescos cu ay ra.



# CISCO KID



# BUCHI ROBES



# HOROSCOPO

**ARIES** (mar. 21 a abril 19) No es el momento de realizar transacciones economicas riesgosas, ni para pedir prestamos o enredarse en los financieros. Las cosas, en su ritmo normal, son favorables, sin forzar la marcha.

**TAURO** (abril 20 a mayo 20) Viejas molestias volveran a afectarle seriamente. Vigile su salud. Hay noticias que le producirán alegrías, aunque otras le llenaran de tristeza. La vida sentimental afecta bastante.

**GEMINIS** (mayo 21 a jun. 20) Habra cambios imprevisitos. Cuando se vean sorprendidos en algo, aclaren con la verdad. Deben utilizar la mano izquierda para esquivar invitaciones que no le interesen aceptar. No hiera a los demas.

**CANCER** (jun. 21 a jul. 22) Use su mente despierta e inteligente en el trabajo. Cree, salga de los caminos trillados, busque siem-

pre lo nuevo. Vaya directamente a sus propositos. Los astros inclinan favorablemente sus pasos.

**LEO** (jul. 23 a ago. 22) No incurra en mentiras ni audacias. Es primordial, en este lapso, que conserven el dominio pleno de sus actos y que el caracter este influido por las corrientes optimistas de la semana.

**VITGO** (ago. 23 a sept. 22) Un dia ideal para obtener buenas ganancias financieras si saben hacer las cosas con tacto. La suerte les acompaña en este lapso y deben aprovecharla. La semana es de alegría en el cuadro familiar.

**LIBRA** (sept. 23 a oct. 22) Viejas dudas sobre enfermedades sintomaticas negativas, desapareceran. Todo tiende a mejorar. Viejas amistades, jugaran papel importante en sus planes del futuro. Busque la alegría de la reunion familiar.

**ESCORPION** (oct. 23 a nov. 21) No es prudente que durante esta semana use el color negro en su vestuario. Los astros favorecen los asuntos sentimentales. Asuntos legales estan en camino. Trate de impresionar agradablemente, cle los negocios con los problemas amorosas.

**CAPRICORNIO** (dic. 22 a ene 19) Escuche las sugerencias y traten de que no pesen sobre su animo mas pensamientos ni consejos que aquellos que tienden a causarle felicidad. Sepa el terreno que pisa. Cuidado con los lós oportunistas.

**ACUARIO** (ene 20 a feb. 18) Lograra triunfos en sus relaciones sociales y sus ideas en materia economica seran muy apreciadas. Otros vienen a apoderarse de sus triunfos. Cuidese de ellos. Su vida sentimental mejorara.

**PISCIS** (feb. 19 a mar. 20) La familia y la salud sera puntos debiles hoy. Traten de atender sintomas que no le causen molestias. No reste importancia a los pequeños detalles.

**SI SU HIJO NACE HOY**..... El o ella, seran de larga vida. Pasaran del medio siglo. Estaran protegidos por Neptano.

# Desconocidonan na Londres a dispara contra poliznan

**LONDRES -- UPI --** Cincu pistolero enmascara a dispara trobe contra poliznan desarma durante un persecucion desenfrena di 10 kilometer door di cajanen jen di publico den e capital. E incidente aki a tuma lugar despues di 14 dia dje asesinato di tres poliz desarma, den cercanianan di un prison dilanti hopi mucha. Ya tin dos individuo deteni y nan ta buscando un sospechoso, quende nan ta supone cu

tin 3 arma di fuego huntu cune fuera municion. "E autoridadnan a bisa cu no tabatin ningun relacion entre e tiroteo di ajera cu e buscamiento di Harry Roberts, e fugitivo. Na final dje tiroteo den cual nan a dispara 12 tiro, poliznan a detene dos sospechoso, mientras cu e otro tresnan a cuminsa efuga pa un patio ferroviario. Un policia y un enmascarado a resulta herida.

Poco ora despues a cuminsa e persecucion. Pa banda di 1.30 p.m. e mama di Roberts, quende nan ta buscando activamente pa motibu dje asesinato dje tres poliznan a haci un yamada dramatico na su jiu, desde e stacionnan di televisiona fin di entrega su mes na autoridadnan.

Na voz suave y entrecorta, senjora Roberts, quende su cara tabata cubri, a bisa: "Robin, aki ta bo mama ta papia. Mi ta pidi bo desde fondo di mi curazon pa bo entrega bo mes. Si bo haci un convenio cu mi, lo mi ta huntu cu bo. E cosnan cu ta pasando aki ta mata mi. Por favor. Haci loke mi ta pidi bo, prome cu mas sanger drama. Mi a pensa masha den esaki, mi jiu. Loke

mi ta haciendo aki ta foi mi propio voluntad. Mi ta sigur cu mi consejo na bo ta bon. E presentacion aki a ser preparada despues cu senjora Roberts a acudi na Scotland Yard y a solicita gestionnan pa e aparece na television sin revela unda e ta.

# DEMOSTRACIONNAN NA CAIRO

**EL CAIRO -- UPI --** Un grupo di studiantenan somalies a atacar e embajada frances na Cairo cu piedra y a bringa cu polisnan ora cu nan a rechaza su intento pa drenta den e edificio di e representacion diplomatica. Por lo menos dos polis a keda herida, un di cual di gravedad. Polisnan a anuncia cu shete estudiante a sufri heridanen leve y ocho otro mester a ser hospitaliza despues cu un truck di polisnan den cual nan tabata ser hiba warda di polis a bolter. Segun autoridadnan e grupo tabata integra pa rond di 300 estudiante. E incidente tabata un eco sangriento disturbio cu a ser registra na Jibuti (Somalia Frances) durante di e bishita di dos dia di presidente Charles de Gaulle ne pais ey.

Algun elementonan somalies kler pa e protectorado frances ser anexa ne bisinja Somalia. E Somalienan, di nan parti, tambe ta partidarianan di anexion.

# NORFORMS ta sigura proteccion intimo na millones di muhernan casa

**ANTISEPTICO, DESODORANTE** Siencia ta sigura tranquilidad di muhernan casa cu supositorionan moderno NORFORMS, cual ta combiniente y facil pa usa, no tin inester di aplicador y tampoco mester tuma medidanan cu por resulta den situacionnan desagradabel of cu por dunabo berguensa. NORFORMS ta producto di un fórmula di eficacia cientificamente comproba. Ora bo insertele, e temperatura di bo cuerpo mes ta largue dirti, e ta forma un capa suave, protectora, cual no por haci danjo na bo tehidonan, ni esunnan di mas delicado. Na mes momento NORFORMS ta elimina tur olor desagradabel. NORFORMS no ta contene vet y nan ta herméticamente empaketá pa sigura na conservacion. Por compra NORFORMS na tur botica na cahita di 6, 12 y 24. Pidi supositorio NORFORMS. No aceptá substituto.



# Chi Hing Tung a mata curpa

**HONG KONG -- UPI --** E cantor di opera mas afama di China Comunista, Chou Hsin-Fiang, a suicidia su mes pa insulto - y mofanan cu e mester a sufri durante e actual "revolucion cul-

tural" cu ta tuma lugar na Pekin. Asina e diario ingles "The Star" a publica. E periodico a bisa di a ricibi noticianan di Shanghai cu Chou conocel pa millones admiradornan como Chi-Ling-Tung, "e jiu di Unicornio" a mata su mes.



**LOS ANGELES, --** Donatilla Barrero, 82, y su jiu muher Emelina Zayas, 60, ta cuminda otro cu wowo-nan tur na awa despues di 14 anja di separacion. E familia a lucha durante un anja largu pa por a logra na trese nan dos for di Cuba.



## RIP KIRBY

pa cortesia di:

JAN BODEGOM &amp; CO (ARUBA) N.V.

Agente exclusivo di FRIESCHE VLAG

lechi evaporado y lechi en polvo

MAXWELL HOUSE KOFFIE



## DICK TRACY

presenta pa cortesia di:

VICTORIA BOTTLING COMPANY

PEPSI-COLA -- SEVEN UP -- GRAPETTE-KIST--

VICTORIA SODA WATER-- BUFFALO ROCK--GINGER ALE



## PEPITA



## ATAKE CONTRA COMUNISMO NA POLONIA

PARIS --UPI-- Un atake duru contra e direccion di Partido Comunista Polaco scirbi pa dos intelectual di e pais ey serra na Varsovia a ser introduci clandestinamente na Francia y publica na Paris e siman aki.

E manifiesto, di 95 pagina, den cual nan ta denuncia qu e procedimientonan "reaccionario" di e hefe di partido Wladislaw Gomułka, ta tarda crecemento di Polonia, ta scirbi na un manera di carta abierta pa Karol Modzelewsky y Yacek Kuron.

"E documento, dirigi ne miembronan di Partido Comunista di e Universidad Varsovia, a ser publica manera un folleto especial pa parti di "Kultura", revista mensual izquierdista cu ta ser imprimi na idioma polaco na Paris.

Den su delcaracion Modzelewsky y Kuron a expone cu e papeleo burocratico, e desastroso planificacion economica y e mal manejo di e asuntunan di estado pa e maquinaria di partido polaco ta ruinoso pa e masanan popular.

Modzelewsky y Kuron ta cumpli condenanan di prison pa actividadnan politica. Nan ta considera esakinan como intelectualnan izquierdista of trozkistas y ta sostiene qu Gomułka a hiba e partido pe e ala derecho.

## OTRO SATELITE DI RUSIA

MOSCU --UPI-- E nave espacial "Lunik II" ta dirigiendo su mes den un orbita rond di esatelite natural di terra cu e mision di saca foto di e superficie selenita pa determina e lugarnan mas apropiada pa bahamentu di e cosmonavenan so vietico.

E expertonan espacial di Occidente a bisa cu si tur cos bai di acuerdo cu e loke nan a propone e satelite lo drenta den orbita awe noch di diadomingo mainta of mas laat.

Nan no sa ainda si e nave espacial di 1,800 kilo carga cu instrumentonan a realiza su manobranan critica di medio curso pa por ponele den un orbita precis rond di luna.

## Voz di Aruba

- 5.57 Apertura
- 6.00 Wake up easy (Country music)
- 7.00 Escala en Mejico
- 7.30 Noticias (Papiamento)
- 7.45 Monitor 1325
- 8.15 Noticias (Ingles)

- 8.30 Regalo Musical
- 10.00 Novela
- 10.30 Fantasia Musical
- 12.00 Musica Europea
- 12.15 Noticias (Hulandes)
- 12.30 Noticias (Papiamento)
- 12.45 Melodias Instrumental
- 13.00 Noticias local (Papiamento)
- 13.15 Artistas Antillanas
- 14.00 Via 10 musical
- 15.45 The chatter platter
- 16.15 Noticias (Ingles)
- 16.30 Complacencias felicitaciones
- 17.00 Ban Econ. Cump. na La Esperanza
- 17.30 Deporte na Marcha
- 17.45 Atardecer Musical
- 19.00 Noticias (Papiamento)
- 19.15 A.B.C. Der Cultuur
- 19.30 Turntable 65
- 20.30 Voz di Aruba Safe Driving Car Club
- 23.00 Clausura

## Radio Victoria

- 6.00 Apertura
- 6.15 E Bijbel Habri
- 6.30 El Camino de Victoria
- 6.45 La Biblia Abierta
- 7.00 Musica
- 7.10 Llamada a la Conciencia
- 7.15 Noticias Español
- 7.30 English News
- 7.45 Christian Emphasis
- 8.00 Bo Musica Favorito
- 8.30 El Pan de Vida
- 8.45 Canticnan di Evangelio
- 9.00 Mundo Femenino
- 9.15 Ultimas Noticias
- 9.30 Morning Melodies
- 10.00 The Bible For You
- 10.15 De Grazige Weide
- 10.30 Through the Bible

- 11.00 Showers of Blessing
- 11.15 Organ Melodies
- 11.30 Melodias di Merdia
- 12.00 Ultimas Noticias
- 12.10 Lago Music Hall
- 12.25 Call of Calvary
- 12.30 English News
- 12.45 Quiet Time
- 1.00 Radio Concert Hall
- 2.00 Reading Room
- 2.15 Quiet Hour
- 2.30 Radio Revival
- 3.00 Afternoon Musicale
- 3.30 Ensueños Musicales
- 4.00 Música di Banda
- 4.15 Ultimas Noticias
- 4.30 Listening Post
- 4.45 Sailor Sam
- 5.00 Muchanan Pa Cristo
- 5.15 Palabranan di Bida
- 5.30 La Hora Nazarena
- 5.45 La Biblia Abierta
- 6.00 Ultimas Noticias
- 6.15 Meditacion Cristian
- 6.30 English News
- 6.45 Nederlands Nieuws
- 7.00 Voor Zijn Glorie
- 7.15 Off the Record
- 7.30 Unshackled
- 8.00 Musical Gems
- 8.30 Back to the Bible
- 9.00 Klassieke Muziek
- 9.50 Dagsluiting
- 10.00 Sign Off

## Radio Kelkboom

- 7.00 Opening
- 7.02 Bon dia cu alegria (Inst.)
- 7.30 Noticia Internacional
- 7.45 Seleccion musical Latino-Americano
- 8.00 Musica Varia
- 8.30 Cumpleaños Feliz
- 9.00 Noticia Social

POR CUMPRAR ARUBAANSE COURANT NA E SIGUIENTE LUGARNAN:

NA ORANJESTAD:  
BOEKHANDEL MARISKA  
PIET SODA FOUNTAIN  
REFRESHMENTS INGRID

NA SAN NICOLAS  
NICOLAS STORE  
UNION STORE

- 9.15 Peticion na Telefoon
- 10.00 Noticia Internacional
- 10.10 Intermedio musical
- 10.30 Programa de N. Habibe J.
- 11.00 Noticia Lokaal
- 11.10 Intermedio Musical
- 11.15 Musica Antillana
- 11.30 Musica Varia
- 12.00 Intermedio Musical
- 12.15 Noticia Internacional
- 12.30 Musica Norteamericana
- 12.45 Noticia Lokaal (Viana)
- 1.00 Musica Varia
- 1.30 Mei ora cu boleros
- 2.00 Musica pa cortesia di Colgate Pal.
- 2.30 Verzoekplaten programma (repetition)
- 3.00 Kinderprogramma
- 3.15 Ritmos Latinos
- 3.30 Musica Varia
- 3.45 La Macorisana & International Super.
- 3.55 Musica cu sabor Aztec
- 4.30 Noticia Lokaal (Heineken)
- 4.45 Cocktail Musical
- 5.00 Musica pa teenager
- 5.30 Musica Varia
- 6.00 Noticia Deportiva (Gillette)
- 6.15 Musica Varia
- 6.30 Musica para la cena
- 6.45 Voorlichtings Dienst A.V.
- 7.00 Musica Hulandes
- 7.45 Musica Norteamericana
- 8.15 Musica pa cortesia di Colgate Pal.
- 8.45 Musica Varia
- 9.00 Programa di Voice of America
- 9.15 Musica Varia
- 10.00 Sluiting

## Radio Antillana

- 5.30 Apertura y oracion
- 5.35 Manianitas Arubanas
- 5.45 Melodias di Wild West
- 6.10 News in English
- 6.30 Noticia Na Papiamento
- 6.45 Religious Program
- 7.30 Noticia na Papiamento
- 7.45 Programma di Jule Nieuw
- 8.00 Espacio pa un Ritmo Criollo y un Poesia.
- 8.10 Variedad Musical
- 8.30 Musica y Consejo deda na tur nos Amigonan Automobilista.
- 9.00 Noticia na Papiamento
- 9.15 Espacio pa nos cantante invita
- 9.30, Mejico cantando via Radio Antillana
- 10.00 Intermedio Musical
- 10.20 Programa di La Macorisana e International Supermercado.
- 10.40 Momento di Ritmo
- 11.00 Musica Antillana
- 11.15 Voznan Popular
- 12.00 Oracion di Merdia
- 12.03 Seccion Informativo
- 12.20 Noticia na Papiamento
- 12.30 News in English
- 12.45 Capsulas en Orbitas alrededor di Mundo deportivo
- 1.00 Noticia na Papiamento
- 1.30 Fiesta Calypso
- 2.00 Recordando Ayera
- 3.00 North-American Music request by phone
- 4.00 La Esperanza y su Obsequio Musical
- 4.30 Variedad Musical y Complacencias.
- 5.00 Noticias na Papiamento
- 5.15 Calypso Rama
- 6.00 Desafiando nos oyentes
- 6.15 Musica Colombiana
- 6.30 Noticias na Papiamento
- 6.45 Variedad Musical
- 7.00 Felicitaciones y complacencias
- 7.45 Programa di Jule Nieuw
- 8.00 Programa di Club Bonair
- 8.15 Continuacion di Felicitaciones y complacencias
- 8.30 Programa di Reddy Kellow
- 9.00 Desfile di Exitos
- 9.00 Antioranzas
- 10.30 Impactacion Musical
- 11.00 Melodias y Romance Musical
- 12.00 Clausura.